



**TERTIB ACARA KEBAKTIAN MINGGU  
GKPS P.BULAN-RESORT POLONIA MEDAN  
Minggu III Dob Trinitatis, 28 JUNI 2020**



Live streaming: [www.gkpspadangbulan.com/tv](http://www.gkpspadangbulan.com/tv)  
Tata Ibadah: <http://www.gkpspadangbulan.com/tatib>

**1. Votum – Introitus – Tonggo**

**P. Paragenda: *Riap ma hita jongjong!***

Ibagas Goran ni Naibata Bapa pakon Tuhan Jesus Kristus ampa Tonduy Napansing, Sitompa langit pakon tanoh on. Amen.

“Maruhur holong ma hita, ai parlobei do la mangkaholongi hita” ( 1 Yoh.4:19). Haleluya, Haleluya, Haleluya.

**Kuria : (Mandodingkon Haleluya, haleluya, haleluya)**

**Paragenda: *Martonggo ma hita!***

Ham Tuhan Naibata Bapanami, pardear layak na tarsulur. Martumpu do hanami nuan ijon manambah Ham humbani gok ni uhurnami. Parayak Ham ma hanami, ase totap haporsayaonnami janah margogoh hanami mangabakkon pangabak na madear, songon na pinindo-Mu bannami. Parorot Ham hanami ronsi ujung ni goluhnami, marhitei Anak-Mu Jesus Kristus Tuhannami, Amen! **(hundul kuria)**

**2. Mandoding Hal. No. 305:1-3 “Martumpu Ganupan”**

1. Martumpu ganupan manambah Tuhan. Sai puji ma la parlayak do in Maronti ma ganupan paruntolon. Igantih gabe damei na sonang
2. Hormati goran-Ni janah pingkirhon. Ganup halongangan na binaen-Ni in Diatei tupa ma ma hatahononta. Marbuah ma haporsayaonta
3. Martonggo ma hita janah manjaga. Ase totap ma haporsayaonta I dunia dong sada hamonangan. Ai ma haporsayaon bai Tuhan

**3. Hasasapan ni Dousa**

**P. Paragenda: *Riap ma hita jongjong!***

Martonggo ma hita, sopotkon hita ma dousanta hubani Tuhan Naibata. Ham Tuhan Naibata Bapanami, pardear layak anjaha parholong ni uhur hubani haganupan jolma. Domma ihatahon Ham ase totap ma hanami marhasadaon, manggoluh ibagas damei, ampa marsihaholongan. Hape gati do hanami manggoluh ampa mambahen na so iharosuhkon Ham. Hurang sirsir do hanami paingatkon hasomanami. Gati pambahenannami, parsahapnami mambobai hasoman hubani na hurang dear. Gati hanami mamakei hasoman padaskon sura-sura ni uhur tumang. Ambahni ai gati lupa hanami mandalankon tanggungjawabnami i tongah-tongah ni keluarga ampa rumah tangganami bei. Halani in ma ase roh hanami ibagas unduk ampa toruh ni uhur hulobei-Mu mansopotkon dousanami. Tompa Ham ma uhur na baru bannami, ase ulang inunut hanami mardousa dampak Ham age dampak hasoman nami jolma. Ipindo hanami on hu Bamu, ibagas goran ni Anak-Mu Jesus Kristus Tuhannami. Amen.

***Tangar anjaha haporsayai hita ma Hata ni Naibata, bagah-bagah pasal hasasapan ni dousa:***

Tapi Naibata, domma ipatalar holong ni uhur-Ni ai banta, ai marhitei na matei Kristus mangkompok hita, sanggah pardousa ope hita. Ase lambin maluah ma hita nuan, humbani ringis in marhiteihon-Si, dob ipintori hita ibagas daroh-Ni ai. (Rom 5:8-9).

***Ibagas holong ni Naibata, domma isasap haganup dousanta. Halani ai, pataridahkon hita ma tanda-tanda ni pargoluhan na bayu. Hasangapon ma bani Naibata ibabou.***

**Kuria:** Amen.

**(hundul kuria)**

**4. Mandoding Hal. No. 356:1-2 “Hita Ganupan Pardousa”**

1. Hita ganupan pardousa roh ma bai Tuhanta in Daroh ni in do manasap, ganupan dousanta in Roh ma podas hita ganup, ai bai Tuhanta sirsir do ganup Sai ipaima do hita, pasonangon-Ni ganup
2. Age gok dousa pe hita, ijalo Jesus do in Holong atei-Ni tumang do, ase talup hita on Roh ma podas hita ganup, ai bai Tuhanta sirsir do ganup Sai ipaima do hita pasonangon-Ni ganup.

## 5. Hata Haporsayaon

### P. Riap ma hita jongjong!

Saksihon hita ma haporsayaonta in, songon na sinaksihon ni haganup halak na porsaya bani sab tanoh on!

**P+J.** Ahu porsaya bani Naibata Bapa.....Amen! (*hundul kuria*)

## 6. Mandoding Hal. 103 (1-3) Martuah do Hasoman Na Sajabu

1. Martuah do hasoman na sajabu, marhasomankon Tuhan Jesus in Na mangirikhon Jesus sai maradu, na so marholang na martonggo in Ai sai tong do holong atei Ni Bani, manungkun rosuh ni uhur Ni in Janah tongtong manungkun bai hataNi, ibaen ganupan parlahouni in.

2. Martuah ma naboru 'ge dalahi, sisada uhur bani Jesus in. Na rap marholong atei bai Tuhanni, na marujahon hatuahon in. Niondoskonni holong ni atei-Ni hu bani halak na porsaya in, In do hatengeran ni uurni, barang sonaha pangandungan nin.

3. Martuah na satangga pangajari, bai dakdanakni ase tong bujur Na so marparontian mamodahi, lao manonggohon haganup bujur Hubani Jesus ase tong Tuhanni, ma masu-masu haganupan in Janah ibere holong ni ateiNi, mambobanhonsi hu lambung-Ni in.

## 7. Ambilan: KOLOSSE 3:18-21

### 8. Manggalang: (Roh ma na patumpuhon galangan hu lobei)

P. Paima ipatumpu hita galanganta, tangar hita ma lobei Hata ni Naibata na gabe onjolan banta laho manggalang, aima na tarsurat bani:

Psalmen 50:23 "Ise na manggalangkon banggal ni uhur, ai do na pasangapkon Ahu, anjaha ise na mardalan ibagas hapintoron, hubani do patalaron-Ku hatuahon-Ku." Sonari patupu hita ma galanganta.

## 9. Tonggo Galangan – Panutup – Pasu-pasu:

P. Riap ma hita jongjong.

Martonggo ma hita mangondoskon galanganta hubani Naibata!

Ham Tuhan Naibata, Bapanami, pardear layak janah na unjah hubannami. Tarimakasih ma hatahononnamni hu Bamu, halani tongtong do ipasu-pasu Ham goluhnami. Domma ihasomani Ham hanami janah ipasu-pasu Ham

horjanami das hubani sadari on. Sonari ibagas malas ni uhur, roh do hanami mangondoskon buah ni horja na dob pinasu-pasu-Mu in gabe galangan hatarimakasihon pakon puji-pujiannami hu Bamu. On pe sai jalo Ham ma galangannami on, bahen hasangapon ni goran-Mu janah mambahen lambin marhataridahan harajaon-Mu i dunia on. Ibagas goran ni Anak-Mu, Jesus Kristus Tuhannami, jalo Ham ma tonggonami on. Amen.

### K. (Mandodingkon doding galangan-Haleluya No. 340:1)

*Huondoskon bani Jesus haganupan diringkon*

*la do pasangaponku sadokah bai goluhkon*

*Huondoskon ma, huondoskon ma.*

*Bani Jesus Sipaluah, huondoskon ma*

P. Ham Naibata Jahowa siramotkon sagala na porsaya, Naibata simada hagogohon pakon hapansingon. Tambahi janah paganda Ham ma hauhuron na hun Bamu ibagas hadirionnami, ase boi hanami manaluhon sagala hisap-hisap na laho salpu, janah tongtong poltik manjolom arta na totap in ronsi das hubani ujungni. Balosi Ham ma tonggonami, marhitei Jesus Kristus Tuhan na manggoluh ampa siparkuasa ibagas hasadaon pakon Tonduy Na Pansing, Sitolusada sadokah ni dokahni. **Amen.**

P. Ham Bapanami na i nagori atas, sai na papansing ma goran-Mu. Sai roh ma harajaon-Mu. Sai saud ma harosuh ni uhur-Mu i nagori tongah on songon na i nagori atas. Bere Ham ma bannami sadari on hagoluhan ari-ari. Sasap Ham ma dousanami songon panasapnami bani dousa ni hasoman na mardousa dampak hanami, Ulang hanami bobai Ham hu parlajouan. Paluah Ham ma hanami humbani pangangou!

**K. Ai ham do simada harajaon, pakon hagogohon, ampa hasangapon, sadokah ni dokahni. Amen. (Idondingkon)**

P. Jalo ham ma pasu-pasu humbani Tuhan Naibatanta:

Ipasu-pasu anjaha iparorot Tuhan Naibata ma Ham (hita). Isondangkon Tuhan Naibata ma bohi-Ni hu bamu (hu banta) janah maidop ma uhur-Ni mangidah ham (hita). Idompakhon Tuhan Naibata ma bohi-Ni hu bamu (hu banta) janah ipasorap ma damei-Ni bani tonduymu (tonduyta bei) Amen

**K . Amen, Amen, Amen! (Idodingkon)**